


As leyendas du Val de Xálima

1. A Diosa Salamati

En a parti mais alta de a serra, vivi a diosa de as augas. U sei nomi e Salamati.

Salamati e a creadora y gardiana de us ríos que nacin en a Xálima. Conta a leyenda que en un tempu muy antiguu, a serra era un lugal áridu y sin vida. A sequía afectaba a to u Val de Xálima, Entoncis, pa solucionar istu a diosa Salamati empezó a escarval en a terra con as suas propias mans. Prontu, u sudal de a sua fronti se mezcló con a terra y empezó a surgil un pequenu regatu. Poicu a poicu foi crecendu. A diosa non se paró alí. Siguu escarbandu y creand u regatus y cascás. Us ríos se abrían camiño por u val pa abaju, inchendu de vida y fertilidai toas as terras. Así se creu un vergel en u Val de Xálima.

En esi lugal, inda en us nosus días podeis vel comu nacin hasta 8 arroyos distintos.



2. U lagartu da serra

En u mais altu de a serra, tomandu u sol encima de us barrocos, vivi un lagartu giganti. Desde tempus inmemoriais, u lagartu ha siu u guardián da serra y de us habitantes. Él protegi a genti, a us animais y as plantas que vivin en asl ladeiras cheas de barrocos en a serra.

Conta a leyenda que unha tardi de veran, cuando u sol empezaba a puñelsi unha zagalita foi a u bosqui a buscal unhas frutas silvestris. De alí a un ratiño a zagalita se perdeu y non sabía comu regresal a u lugal. De repenti apareceu u lagartu giganti. A cría que estaba esustá a u iniciu, prontu se do

conta que u lagartu non le iba a ficel na mau, a u contrariu, u lagartu a miraba con dulzura y a empezó a guial por u bosqui, dánduli comia y agua. Tamen a protegeu de as fieras y le do calol en a noiti fría. Pa u día seguinte u lagartu guió a cría de regresu hasta as aforas de u lugal, dondi estaban us seis padris buscandua.

Desde esi momentu, u lagartu se convirtiu en u protectol da serra y a sua genti. Inda hoixi en día, podemos vel a esti lagartu en u escudu de as Ellas, y seis habitantis recibin u sei nomi: lagarteirus.

Pistas: Eljas y serra (mirei as curvas de nivel)



3. U chafurdón dus pastoris

En u Val de Xálima hay mutus chafurdóns. Pero a u lau du riu da Vega,untu a carreteira que vay de Valverdi a us Foyus, hay un gran chafurdón, dondi se refugiaban us pastoris antiguamenti. Pero cuando cai a noiti, u chafurdón se convirti en un lugal tenebrosu y misteriosu.

A leyenda conta que u chafurdón foi construiu encima de un antiguu cementeriu celta y que inda andan por alí us espíritus de aquela genti. Algunhus valentis han intentau desafial a maldición, pero nunca han voltu a

sel vistus. Unha noiti, un pastol chamau Juan, dediciu demostal que esis rumoris eran falsus, y decidiu pasal unha noiti en u chafurdón. Cuandu quellu a noiti un montón de ruidus extrañus empezaron a escutalsi. Sillan sombras desde u solu, y se escutaban estruiendus por tos us laus. U meu se apoderó de Juan. Empezó a correl fora de u chafurdón y nunca mais naidi u volveu a vel. Desde esi entoncis u chafurdón a quedau abandonau y está mediu en ruinas. Aunque esi, sigui sendu hoixi en día u chafurdón mais grandi de to u Val du Xálima.



4. U tesoiru de Salvaleón

Fai mutus anus, en u poblau medieval amurallau de Salvaleón, vivía un gobernadol muy codiciosu que acumuló unha gran cantidai de oiru y joyas. Unha ve que u poblau fui destruiiu y abandonau, esi tesoiru foi enterrau y abandonau la.

Cuenta a leyenda, que unha serpiñti con alas sairía a defendel u tesoiru cuando alguen u queira desenterral. A pesar da maldición, mutus cazadoris de tesoirus u han intentau. Algunhus nunca han regresau, y otrus volveran locus por u que viran. Inda naidi ha conssguíu encontral u tesoiru y escapal da maldición.

Hasta agora inda non ha apareciu u tesoiru. Pero si vais a Salvaleón, podréis miral as imponentis murallas fosas y unhas lindas vistas que se ven desde ali. Quizás esi sea u miyol tesoiru que hay en esi lugar.



5. U encontru entre España y Portugal

Había unha ve, en a Edai Media, cuando us reinus de Portugal y de León se estaban expandindu hacia u sur, y us seis reys querían fijal unha fronteira clara y definitiva entre us seis territorius.

Dispois de mutus anos de guerras y negociacions, ambus monarcas finalmentí se puseran de acordu, y se reuniran en u lugar estrategicu da

fronteira. Acordaran que a fronteira estaría delimitada seguindo accidentes geográficos claros. Inda hoixi en día a fronteira entre España Y Portugal, está establecida en este río, que separa a os dous países hermanados por a historia, festas, tradicións e mutu comercio entre nos.



6. U fresnu verdi

En tempus antiquus en Valverdi, había un fresnu enormi a u lau de u riu, y estaba rodeado por verdis praus. U tamaño de u fresnu era descomunal y as suas ramas exuberantis y verdis. En veran u fresnu daba una sombra muy fresquita y debaju de él se sentaba a genti de u lugal a falal y convivil. Ademais, esi fresnu le daba sabiduría e inspiración a genti que se sentaba debaju de él. Tantus era u cariño de a

genti por esti maravillosu árbol que le quiseran rendil homenaji puñenduli u sei nomi a u sei pueblu, y así podría mantelsi vivu esti recuerdu pa a eternidai.



7. U barrocu campanina

- a. Sendu de Valverdi, por u camiñu que vay a serra, en dirección a Ermita de u Espíritu Santu, hay un barrocu prominenti justu a u lau de u camiñu. Conta a leyenda que cuandu pons a cabeza cerca de u barrocu, se escuta unha campana. Mutus ya u han comprobau, con algu de dolor y sacrificiu, pero ha han barrontau.



8. Us agüelus

- a. En a calzá medieval que subi de Sa Martín pa Santa Clara, hay 2 castañus, centenarius. Han dau frutus, alimentu, proteccion a us habitantis de Xálima duranti mutu tempo. Son us árboles mais grandis que hay en u entornu y a genti de u lugal, de forma cariñosa us chama "us agüelus". Conta a leyenda

que cuando un se para a miralos, de forma majestuosa, se para u tempu y pois sumergilti en u bosqui y sentil a natureza que te rodea.



9. As tumbas

Había unha ve unha civilización antiga que construiu impresionantis tumbas antropomorfas excarvás en us barrocos. Cada tumba representaba a un guerreiru o líder importanti da sociedade, y se creía que u sei espírito descansaba alí pa a eternidai.

A leyenda conta que en unha de estas tumbas, estaba enterrau un guerreiru tan valienti y temi u que se dicía que tiña u podel de controlal a natureza. Pero a pesal de u sei gran podel, u guerreiru nun foi inmortal. Finalmenti, chegou u día en que se morreu, y sei corpu foi levau pa tumba antropomorfa excarvada en u barrocu. Inda hoixi en día algunhus creen que u sei espírito inda siguiu vivu y que u sei podel poi sel invocau en momentus de gran necesidai. Pa invocal esti podel, muta genti se meti en as tumbas con forma de pesoas. Estas tumbas se podin vel en a actualidai en varius lugares du Val de Xálima, pero dondi hay unha mayol concentración de elas, e a u suerti de As Ellas.



10. U castelu

- a. En as Ellas, en tempus muy remotus, había un condi que tiña fama de opresol y de puñel unas normas demasiau extrictas contra us habitantis. Unha noiti mientras u condi estaba en u sei castelu, escutó un ruidu extrañu y descubriu unha porta secreta detrás da paré du salón principal du castelu. A

u entral, descubriu unha habitación secreta, dondi se encontrou con un extraño, que levaba túnicas oscuras y que falaba en un idioma descuñociu. Dispois de unha brevi lucha, u condi logró escaparsi y ordenó que se cerrara esa habitación pa sempre. Pero unha ve que u Condi iba por as callis du lugal y empezó a falal con a genti, se do conta que tos us habitantis du lugal habían empezau a falal en a misma lengua que aquel descuñociu. U condi, con muta rabia, pensó que aquilu foi una maldición pa us seis súbditus, porque él non us entendía ben. Y tampocu le entendían ben as órdenes que u condi les daba. Pero a genti du lugal su tomó muy ben. Porque aquela lengua era a que elis consideraban sua. Y en esa lengua naidi le daba órdenes ni us oprimían. Desde esi momentu siguiran falandu así.



Conjuru májicu: pa falal en Fala

- Se necendin as velas

- Un invitau lee u conjuru
- Cuandu acabin de leel, tenin que escribil 5 palabras en fala que hayan aprendiu hoixi.
- Us alumnus de u nosu institutu revisan si han escritu ben as palabras.
- Si acertan to, u conjuru a funcionau y us alumnus invitaus has comenzau a falal en A Fala.